

ԿԱՑԻԱ—ԱԴԱՄԻԱՆԻ !? *

Վ Ե Պ

Ի Լ Ի Ա Ճ Ա Վ Ճ Ա Վ Ա Ձ Ե Ի

«Բարեկամիդ երեւին պախարակիր,
Քշնամուդ՝ յետեւից»

ՍՏԱՆԻՆ ԽԱՆԸ.

Ճարտասանութեան մէջ գրւած է, թէ մարդս ամեն բան
ներածութիւնով պէտք է սկսի։ Ճշմարիտ է։ Մենք էլ այնպէս սկսեմք։

Ով որ Լուարսարի կերպարանքում ինքն իրան կը ճանաչի, ով
որ Լուարսարի մօտին գրածները իւր գլխի վրայ կ'ընդունի, նա,
ինչ ասել կ'ուզի, ցեխ գցել կը սկսի ու զգի՜ժ է, զգի՜ժ է կը կանչի
այս գրւածքի անպէտք հեղինակին։ Թո՛ղ լաւ իմանան, որ մենք
անձնաւորութեան հետ գործ չունինք. մենք գրում ենք մի հասա-
րակական ախտի մասին։

Ով ինչ ուզի թո՛ղ ասի, բայց ես արդարացնում եմ գլուխս
այն խօսքի ճշմարտութեամբ, թէ «բարեկամիդ երեւին պախարակիր,
թշնամուդ՝ յետեւից»։ Ո՛ւր ես արդեօք հիմայ, այդ իմաստուն խօսքի
ասող։ Գիտեմ թէ ուր. ժողովրդի մէջն ես, անտեսանելի և ժողո-
վրդինը։ Այն էլ գիտեմ թէ ինչ է անունդ. քեզ ժողովրդի հանճար
են ասում։ Այն էլ գիտեմ, թէ ինչ յատկութեան տէր ես. անսխա-

*) Ժեյնաճաճան?! (Միթէ մարդ է-աղամորդի)։

լախն ես ու միշտ արդարեւ Դո՛ւ և միմիայն դու ես քաջալեր կանգնում նրան, ում սիրտը որ ուրիշի համար է ցաւում: Եւ հենց այն ժամանակն ես քաջալեր կանգնում, երբ այդ տուրիշները սրտացաւի գլխին են տալիս նորա սրտացաւութիւնը իբրեւ մի յանցանք: Ի՞նչ փոյթ: Մարդ կայ որ իւր սրտացաւութիւնը հանդէս է բերում իւր սիրածի վատ կողմերն էլ գովելով, մարդ էլ կայ որ հենց այդ վատ կողմերն է պախարակում: Թէ այդ երկու տեսակ մարդկանցից ո՞րն աւելի սէր և սրտացաւութիւն ունի — թո՛ղ ինքն ընթերցողը գուշակէ:

I

Սիրուն բան էր իշխան Քաթարիձէի տուն-տեղը: Երեւակայեցէք Կախեթի մի փոքր գիւղում մի ընդարձակ, ներքեւ իջած տեղ և այդ տեղում մի երկյարկանի, քարուկրից շինւած տուն: Ահաւասիկ այդ յարկերն ինչ տեսակ էին. ներքեւն էր եղեգնով ծածկւած մի մառան և այդ մառանի յետեւի մասի վրայ բարձրանում էր մի փոքրիկ սենեակ իւր պատշգամբով: Պատշգամբումը շինւած էր ծիծեռնակի բոյնի նման մի փոքրիկ տախտակած տեղ, որ ծառայում էր որպէս անկողնի պահարան: Մի փոքր հեռու գտնւում էր տախտակապատ թոնրատունը, նրանից էլ դէնը՝ ամբարը, որի վրայ շինւած էր եղիպտացորեանի միականի պահարանը՝ անբաղդ ու սգաւոր: Կար նաեւ ցանկով պատած մի պարտէզ: Յանկի մօտ, մի թթենու կողքին երեւում էր հին, ծղոտներից շինւած խրճիթը, որ ժամանակից այնպէս ծուել էր մի կողքին, որ կարծես թէ պատրաստւում էր պառկել մի հով տեղում, բայց ոսկրացաւից տանջւող մի պառաւ կնոջ նման նորից ոտքի վրայ էր մնում: Այդ դղեակի բակը թէ՛ լայնութեան և թէ՛ երկարութեան կողմից բաւական ընդարձակ էր: Նա չըջապատւած էր մի հին ցանկով, որ տեղ տեղ քանդւած էր և նորա այժմեան տէրը երբէք մոքովը չէր անցկացնում նրան վերանորոգել: Երեւում է որ վրացի է...

Յանկը մի տեղ վերջանում էր բակի մեծ գունդով, որոնց մի հատը, երկու տարուց ի վեր, այնպէս ողորմելի կերպով կախ էր ընկել մի օղակից, կարծես թէ սիւնը բռնել էր նրան ծեծելու, բայց նա յետ էր քաշւում, որպէս զի կարողանայ մի կերպով դուրս պրծնել

էլ նշանին չի դիպցնում. աջող ձեռք քիչ կա՞յ, Հիմայ էլ կայ այդ ամենը, բայց չը կան այլ ևս այն սիրտը, սրտի այն ջերմութիւնը, այն հոգատարութիւնը կալածքի համար, որ գիտէին լաւ ձին ու լաւ հրացանը լաւ գործերի համար բանեցնել: Առաջ մարդն էր զարդ աալիս ձիուն և հրացանին, իսկ հիմայ ձին ու հրացանն են մարդուն զարդարում: Լաւն էր հին ժամանակը, բայց ոչ էլ Բեսարիոն Գաբաշելիի հետեւեալ խօսքն է անարգ. «Մի ունեմ-ը հաղար ունէի-ց լաւ է: Այդ ասեմք ու լեզուներս կծկենք, թէ չէ...»

Թէպէտեւ Լուարսաբը այդպէս նեղանում էր նոր ժամանակի այդ ախտի պատճառով, բայց այնուամենայնիւ նորա գէմքը մի առանձին տխմարութեամբ ժպտում էր ամեն օր: Ասած է. «եզը եզան հետ որ կապես, կամ գոյնը պիտի փոխի կամ բնութիւնը: Այդ առածը ես ոչ մի տեղ այնքան իրականացած չեմ տեսել, ինչպէս իշխան Լուարսաբի տանը: Նորա անգին լծակից իշխանուհի Դարեջանը ծիշդ իւր մարդու երկրորդ կողն էր և էին երկոքեան մի հոգի, մի մարմին, ինչպէս հրամայում է Սուրբ Գիրքը: Եւ այն էլ ինչպէ՞ս. միեւնոյն կլորութիւնը, միեւնոյն պարարտութիւնը, միեւնոյն ծիծաղկոտ դէմքը և համարեա թէ միեւնոյն տխմարութիւնը: Այդ երկու սիրասուն ճնճողուկները՝ մի հոգի—մի մարմին դարձած՝ ապրում էին մի զարմանալի քաղցրութեամբ, հեւու աշխարհիս անհամ ազմուկներից: Հէնց որ աքաղաղը խօսէր՝ երջանիկ ամուսինների աչքերը արդէն պլստրացած էին. Դարեջանն իսկոյն վեր կը թռչէր, իսկ Լուարսաբը, այդ քնքշացած Լուարսաբը, մի մի անգամ մի քիչ ծուլանալ էլ գիտէր: Ուղղակի անկողնից, կուրծքն այնպէս քրքրւած, դուրս կը գլորէր թախտի վրայ, մի տեսակ հեալով, ախ ու վախ անելով և էլ սատանան գիտի թէ ինչ օջիւններով... Շատ էր պատահում որ մինչև ճաշ ուտելը նա մնում էր այդ մեղկ ու անհամ դրութեան լիջ:»

Վրացիք ասում են թէ ում մարմնի վրայ որ առատ մազ լինի դուրս եկած, նա երջանիկ կը լինի: Եւ իրաւ է. հէնց դորա համար են այնքան երջանիկ բոլոր անասունները: Իսկ եթէ այդ սուտ է՝ հապա էլ ինչո՞ւ են մերոնցից շատերը անասնութիւն անել փորձում: Նորա համար որ անասունները երջանիկ են լինում, և երջանիկ են՝ որովհետեւ մարմնի վրայ շատ մազ ունին:

Լուարսաբի ամբողջ մարմնի համար ինչ կարող եմ ասել... սակայն նորա կրծքի համար կարող եմ պնդել, թէ այն աստիճան թանձր էր այնտեղ խոզի մազի պէս պինդ բուսականութիւնը, որ կասկածաւոր հոգեւորները լաւ ապաստան կը գտնէին այնտեղ հաշտարին, բայց... բայց ինչ. մի՞թէ Լուարսաբն երջանիկ չէր Այնքան արեւշատութիւն թող այս տողերի գրողին հասնի, ինչքան որ նորա հասակակից իշխանազուններ երանի էին տալիս նորա կենցաղավարութեանը: Միայն հէնց նորա մարմնի մազը բաւական էր մի դժբաղդ մարդու նախանձը վառելու, եթէ միւս բոլորն էլ մի կողմ թողնէինք: Եւ ինչ էր պակաս Լուարսաբին. գոյն թէ միս: Մի՞թէ մտածողութիւնն ու հոգը կ'անհանգստացնէին նորա քունը կամ ախորժակը կը կապէին, ինչպէս մի հասարակ մարդուն: Գոյնը լաւ, միսը տեղը. ուտել, խմել և քնելը—խօ էլ ասել չի ուզի: Ել դրանից աւելին ինչին է պէտք վրացի մարդուն, նրան, որ իւր բաղդն ու դժբաղդութիւնը իւր մարմնի մազով է չափում և որի համար բնութիւնը կարգադրել է որ իւր օրերը ճանձ քշելով անցկացնէ:

Զըլինի՞ թէ վիրաւորեցար, ընթերցող: Ի հարկէ որ այո՛. այստեղ չը կայ ոչ սիրահարութեան ճարպիկութիւն, ոչ մարդասպանութիւն, ոչ անյոյս աղջկայ ախ ու վախ, ոչ ջրի մէջ ընկնել,— մի խօսքով այն ամենը ինչ որ շնորհք է տալիս մի զւարճացնելու համար գրեւծ շարադրութեան՝ այստեղ գոյութիւն չունի: Կը նեղանաս, ինչ ասել կ'ուզի, բայց այս էլ պէտք է քեզ իմանալ, ընթերցող, որ գրեւծքիս հեղինակը ընթերցողներին զւարճացնելու համար չէ յատկացրել իւր շնչին աշխատանքը: Նս կամենում եմ որ այս գրեւծքը մտածել տայ կարգացողին և եթէ ցաւելու բան ունի՝ հէնց այդ պատճառով ցաւի, որովհետեւ մտածողութիւնն ու վշտակրութիւնը անբաժանելի քոյր-եղբայր են: Նս կամենում եմ որ ընթերցողը ցաւի ոչ թէ նորա համար, որ սա զւարճալի չէ, այլ նորա համար որ սա մտածողութեան մէջ գցի նրան: Եթէ այլքան յաջողւի այս իմ աննշան աշխատութեան, ես այլ ևս դրանից աւելին ոչ ուզում եմ և ոչ ուզեցել, ի՞մդ վշտացած ընթերցողը Իսկ եթէ կը լաջողի՞: Նս գոնէ կը մխիթարւեմ նրանով որ զուր նստելուց զուր աշխատելը գերադաս է: Ո՛րքան անպէտք մարդ պէտքական է

շինում ու շինել այս օրհնած առածը. ե՛ս էլ թող նրանց մէջ լինեմ...

Երբ որ Լուարսաբը վերելը նկարագրւած վայելչութեան մէջ էր լինում՝ մի կատարեալ մահ էր նորա համար, երբ մէկը խանգարում էր նորա քէֆն ու մեղկութիւնը, այսինքն թախտի վրայ այնպէս ծիծաղելի կերպով գլոր-մլոր գալու։ Անմիտ ժողովուրդն ասում էր թէ նա հիւր չէր սիրում, բայց մի՞թէ դա առաջ էր գալիս նորա ժլատութիւնից։ Ամենեւին՝ Մի՞թէ գձձութիւնն ու վրացին կարող են միմեանց հետ հաշաւել։ Մի՞թէ սառուցն ու կրակը միմեանց չեն կլանի։ Հիւրին նա ատում էր այն պատճառով, որ ստիպւած էր լինում վեր կենալ ու շորերն հագնել։ Բայց վերկենալն էլի ոչինչ, այդ այնքան էլ չէր դժարացնում նրան. հագնւելն էր նորա հոգեհանը։ Ամբողջ ամառն այնպէս կ'անցկացնէր, որ շապկից ու նորա ընկերից զատ ոչինչ չէր մօտեցնի իւր մարմնին. Ձմեռն էլի շապկի վրայ մի մուշտակ էր գցում, եթէ միայն մի մեծ հիւր չէր ունենում, ասենք օրինակ՝ զաւառապետին։ Այն միջոցին, որին որ սոյն գրածքն է վերաբերում, խիստ մեծ անձնաւորութիւն էր զաւառապետը։ Հիմա է որ, ինչ որ այդ անտէր ուսումն առաջ եկաւ, զաւառապետին ոչ ոք մեծ մարդու տեղ չէ գնում. թէ չէ առաջ, օ՛, ինչքան մեծ էր նա։

Բայց Դարեջանը այնքան ծոյլ չէր, ինչքան Լուարսաբը. այդ բանի մէջ, պէտք է մարդն ուղիղ խոստովանի, նրանք միմեանց չէին նմանում։ Ուրեմն հիմա մենք տեսնում ենք որ նրանց գոյնը մէկ էր, բայց սովորութիւնը տարբեր։ Այլ բաց անելուն պէս նա վեր էր թռչում թախտից, կապում ճակատը, փաթաթում մի չթի շորով, վրան գցում չթի դերիան (երբեմն, շտապելուց, շուռ տւած էր հագնում), բոբիկ ոտերը չստերի մէջ կոխում և—հայրէ—ուղ զակի դէպի բակի խրճիթը, որտեղ տիրում էին ինքնիշխան ծառաները, այսինքն բարկութեամբ զեղուն սրտով հաղիւ հաղ շունչ քաշում։ Թէ զարմանալի և թէ ծիծաղելի էր մեր իշխանուհու այդ օրինակ մի անհանգստութիւն։ Այդ ահագին քթոցի նման լքցւած և կլորւած կինը յաճախ մնում էր առաւօտից մինչև կէսօր ոտի վրայ և թելի կծիկի պէս գլորւում դէս ու դէն։ Նա պարապ չէր, ինչպէս երևում է. այնտեղ մի բռնցքի հարւած կը տար կարի

վրայ կռացած փոքրիկ աղախնին, այստեղ գլխին կը մփացնէր չին շորի կտորների մէջ փաթաթուած մուտ փոքր ծառային, որ յորանջելով ու ծոյլ ծոյլ մաքրում էր երեկոյեան համար դեռ ևս երեկուսինց ճրագտուած մոմակալը. մի տեղ մէկից կը խռովէր, ինքն էլ չը գիտէր թէ ինչու, միւս տեղ մի ուրիշին մի լաւ կը խայտառակէր, դարձեալ առանց իմանալու թէ ինչ պատճառով. կ'անիծէր, կ'անարգէր, կը յանդիմանէր—մի խօսքով ինչ որ ամբողջ գիշերայ մէջ հաւաքել էր՝ բոլորը թափ կը տար իւր ստորադրեալների վրայ ու յետոյ յոգնած և ուժից ընկած տուն կը վերադառնար. բայց եթէ ճանապարհին պատահէր նորից փոքրիկ աղախնի՝ դարձեալ մի քանի հարւած կը շնորհէր նրան, զետիկնը մանեմն էլ աւելացնելով եթէ լաւ քէֆով էր՝ և այնպէս ուժասպառ կը գլորէր դէպի սենեակը որտեղ ուռմբի նման փքւած իշխանը դեռ ևս շարունակում էր իւր թախտի վրայ գլոր—մլոր գալը ու համարում էր, եթէ ամառաց եղանակ էր, առաստաղի ճանճերը Մի անգամ նրանք մի խիստ ուշադրութեան արժանի վէճ սկսեցին։ Այդ էր ամառաց մէջերքում, մի շատ տոթ օր, երբ Դարեջանը, աւարտելով վերելը նկարագրւած իւր ճանապարհորդութիւններից մէկը և սրա նրա գլխին թրմփացնելը, քրտինքի մէջ քամւած՝ մտաւ սենեակը։ Լուարսաբը նայեց և հէնց որ տեսաւ որ իւր կնոջ կարմիր թշերից քրտինքը ծործորում էր կաթիլ կաթիլ—մի կատարեալ գահունակութեամբ ասաց իւր սրտում. «Ելա՛ւ ընտանիքի սիւն է, երախտաւոր կինարմատ է։ Փառքդ մեծ, Տէր, որ այսպիսի մէկին հանդիպեցիր ինձ»։

Այդ ասաց ու մի կողքից շուռ եկաւ միւսի վրայ իւր բազուից գոհ ու Աստուծոց ու կնոջից միշտ շնորհակալ Լուարսաբը։ Այդ շուռ գալը նշան էր թէ նրան մի որ և է բան զուր էր եկել։

—Որտե՞ղ էիր, ցաւդ տանե՛մ, որ այդպէս յոգնել ես,—հարցրեց նա իշխանուհուն։

—Ինչպէ՞ս թէ որտեղ, ջանի՛դ մատաղ լինեմ ես, օջախ է, տուն է, կայք է, չէ՞ որ մտիկ տալ է հարկաւոր, ցա՛ւդ տանեմ ես։

—Այդպէս, ի՛մ Դարեջան, ա՛յդպէս, հոգուդ մեռնեմ ես. կին լինելն էլ հենց ա՛յդ է նշանակում։

—Հապա՛, —վրայ բերեց զովասանքից խրախուսւած իշխանուհին. պէտք է այդպէս տասն աչք դարձած պոռոյտ դալ ծառայող-

ների մէջ, թէ չէ ուտելուց դառ էլ ոչինչ չեն շինի. ծառաներին հսկել է հարկաւոր:

—Հապա՛, հապա՛:

—Շատերը չը գիտեն թէ ինչպէս կառավարեն նրանց:

—Ձը գիտեն, հապա՛, չը գիտեն, որ գիտենան խօ լաւ բան կը լինի, հապա՛:

—Երբեմն հարկաւոր է լինում հէնց անմեղ տեղը նրանց ջան-դիմանել: Որ մի լաւ էլ խայառոտակես, վառ չի լինի: Այ ես խայտառակում էլ եմ, անիծում էլ եմ, բարկանում էլ եմ—ինչո՞ւ, որպէս զի ահ ու պատկառանք ունենան, թէ չէ Աստուած հեռու պահէ...

—Աստուած հեռու պահէ... ի հարկէ...

—Սրանք ճորտեր են. թէ որ վարձւած էշի պէս մի անգամ կանգ առնեն, էլ որ հունի դագանակով էլ վեր տաս՝ ոտը չես կարող փոխել տալ, թէ որ առաջուց խրատած շունենաս:

—Ի հարկէ՛ պէտք է խրատած պահես, —պատասխանեց կնոջ իմաստութեան վրայ հիացած Լուարսաբը—ի հարկէ՛ վարձւած իշի պէս կը կանգնի:

—Մի ասա՛, ցաւդ տանեմ. ինչ որ ես ասացի՝ սո՞ւտ է:

—Սուտ ինչո՞ւ կը լինի. շա՛տ ճիշտ է: Քո չափ կնոջ երազին էլ պէտք է հաւատալ, —դուրս աւեց առանց մտածելու Լուարսաբը: Ինքն էլ չը գիտէր թէ այդ սերագը՝ որտեղից մոցրեց խօսակցութեան մէջ:

Երկուսն էլ լռեցին: Լուարսաբը աչքերն յարեց առաստաղին. այնտեղ իւրմբ խուրմբ ճանճեր էին նստած: Դարեջանն սկսեց բրդի գուլբայի գործելը:

Մի փոքր ժամանակից յետոյ Լուարսաբը ձայն տուեց:

—Դարեջան, հապա թէ խելօք կին ես, իմացի՛ր, հրե՛ն այն տախտակի վրայ քանի՞ ճանճ կայ:

—Ո՞րտեղ:

—Հրե՛ն առաստաղի տախտակի վրայ:

Դու մի ասիլ որ այն անիծւած Լուարսաբը երկուսի լուռ եղած ժամանակը այն ճանճերն է եղել համարելիս: Դարեջանն ինչպէ՞ս կարող էր գուշակել:

—Քանի՞, հարցրեց Դարեջանը, Համբերի մէկ համարեմ:

—Այդպէս խօսես ել կարող եմ գուշակել: Թէ մարդ ես, այնպէս իմացիր:

—Այնպէս իմանամ: Դէ լաւ, երեսուն հատ կը լինի:

—Շատ անշնորհք ես, չիմացար:

—Հապա քանի՞:

—Քանի, ասե՛մ... չէ՛, չեմ ասի:

—Ասա՛ էլի, թէ գիտես:

—Թէ ես մա՛րդ եմ, քառասուն պէտք է լինի: Անշնորհքը դու ես, իմացայ:

—Հրամա՛ն քեզ, իմացա՛ր... համարել ես, ինչպէս որ անցեալ օրն արիւր. այդպէս խօսես ել կարող եմ իմանալ:

—Դու չը մեռնես, այն պատական հօրս գերեզմանը վկայ, որ չեմ համարել:

—Հապա ո՛րտեղից գիտես թէ քառասուն է:

—Ո՛րտեղից. այնտեղից, որ բանականութիւն ունիմ:

—Բայց մի՞թէ ես զուրկ եմ բանականութիւնից:

—Դու էլ ունիս, բայց մարդու խելքին կնոջ խելքը կարող է հասնե՞լ: Ես ենթադրեցի որ քառասուն պէտք է լինի:

—Իսկ եթէ քառասուն չ'եղա՞ւ:

—Տուգանքի ենթարկիր ինձ:

—Ուրեմն համարե՛նք:

Մարդ և կին սկսեցին ճանճերի համրելը: Բանից դուրս եկաւ, որ յիսունից աւելի էին նրանք:

—Իմացա՛ւ, ասաց մի առանձին շեշտելով Դարեջանը. իմացա՛ւ: Խե՛ղք ունի այս իմ պարոնս, նորա համար իմացա՛ւ:

Լուարսաբն ամաչեց, մի քիչ դժւար տեղն ընկաւ:

—Թուել են, թէ չէ քառասուն հատ էին,—ասաց տխմարը իւր գլուխն արդարացնելու համար. հաւատա՛ որ թուել են:

—Աւելի լաւ թէ թուել են. չէ՞ որ աւելի պակաս պէտք է մնացած լինէին հիմայ: Այստեղ յիսունիցն էլ աւելի է դուրս դալիս հիմայ:

Լուարսաբն ընկճւեց, նա զղջաց իւր անմիտ վարմունքի համար:

Որպէս զի իւր որոգայթ ընկնելը անկատելի անէ, նա առամները կրճտացնելով, որին իշխանուհին ժպտալ էր անւանում, ասաց.

—Աստուած անիծի՛, այդ բնաւ մոքովս չ'անցաւ, չէ՞ որ չօրս անգամ համարել էի:

—Թէ որ չէի՞ր համարել:

—Այդ ի՞նչ խօսք է, որ համարած չը լինէի՝ Սողոմոն իմաստունը խօսէի որ այնպէս գուշակէի: Ինչպէ՞ս թէ չեմ համարել—այ Աստուած անիծի՛—սխալեցայ թէ չէ անպատճառ կը յաղթէի քեզ: Ես ու իմ Աստուած՝ կը յաղթէի, հոգիս:

Ասաց և յաղթութիւնը ասնուլ տւած Լուարսաբը շաքարի պէս քաղցրացաւ յաղթութիւնը տանող իշխանուհու համար:

—Թէ չէ՞իր համարել, սո սատանայ—պստոսխանեց նոյնպէս ժպտալով իշխանուհին:

—Խօ կոտրեցայ, հոգի՛դ ուտեմ, էլ ի՛նչ ես ուզում:

—Ողջութիւնդ ու երջանկութիւնդ, ի՛մ սիրունիկս. ուրիշ ի՛նչ պէտք է ուզենամ:

—Դարեջան .. ձայն տւեց Լուարսաբը սրտապակաս ու ամաչած—'Դարեջան'... թէ ինձ կը սիրես, «սիրունիկ» մի՛ կանչիր ինձ:

—Ինչո՞ւ, ցաւդ տանեմ, ինչո՞ւ:

—Իմ հասակով մարդուն չի սազում, հոգուդ մեռնեմ. «սիրունիկ» փոքրիկ շանը կ'ասես, մի՞թէ դա մարդու լայնդ անուն է:

—Եւ մի՞թէ դու իմ շնիկը չես: Ձե՞ս էլի: Ես այդ առաջին անգամն եմ լսում քեզանից, ասաց հոգոց հանելով Դարեջանը, մտածելով որ եթէ նա այսօր շնիկ լինելուց է ձուք քաշում, վաղն էլ մի ուրիշ բանից կը քաշի:

Լուարսաբը զլսի ընկաւ, որ նորա սիրտը ցաւացրեց և այն էլ իզուր սեղը. որպէս զի նորա շուռ եկած սիրտը հանգստացնէ, ասաց առամները կրճտացնելով.

—Հա՛, ցաւդ տանեմ, հա՛. քո շնիկդ եմ, հապա ի՛նչ եմ:

—Ի՛նչ շնորհալի կին-արմատ է եղել այս օրհնածի որդին—ասաց նա իւր մոքումը—ի՛նչպէս մի լաւ աշըղի նման սաղացրեց իմ շնիկ լինելը... ի՛նչ լեզւի տէր է... ի՛նչպէս յարմարեցրեց:

Ինքն էլ ուղեց մի այդպիսի փաղաքշական բառ զտնել, բայց հէնց որ մի այդպիսի դժար տեղն էր ընկնում, իսկոյն միտն էին

գալիս լաւ զուրդէլ, թարթի դօշ, սխտորով արտալայ և այլն։ Հապա այդպիսի բաների վրայ մտածելիս էլ ինչ փաղաքշական խօսքեր տոեղծէ մարդս։ Բայց Լուարսաբը էլի մի լաւ աղի խօսք սաղացրեց.

— Իսկ դու գիտես իմ. ի՞նչն ես — հոգուս կոտեմը, սրտիս տարխունը, խելքիս — հապա ի՞նչն ասեմ — թէկուզ աղը եղի՛ր հա՛։ Ասա՛, լա՛ւ ասացի թէ չէ, թէ այն պատական ու անւանի հօրդ հոգին կը սիրես։ Լաւ չը սաղացրի՛։

Դուրս տեց այդպէս և, ինչան իւր գոհունակութեան, կրճտացրեց ատամները՝ իւր շնորհքի վրայ հիացած Լուարսաբը։ Դարեւջանն էլ շատ ուրախ էր։ Յաճախ էին այդպէս իրանց ժամանակն անցկացնում մեր ամուսինները։ Երանի՛ նրանց, ընթերցո՛ղ...

III

Լուարսաբն էլ գիտէր ծառաներին ահ տալը, ինչպէս ինքն էր ասում։ Ճիշդ է որ մի քիչ ծոյլ էր, բայց չէ՞ որ ալն ահագին կալածին էլ հսկել պէտք էր։ Այդ կալածքի հոգատարութիւնը երբեմն նրան սթափեցնում էր ու ստիպում թախտից վեր թռչել։ Այն ժամանակ պէտք է տեսնէիք թէ որչափ սիրուն էր մեր Լուարսաբը։ Ռոտարբիկ, զայմուխի կապոյտ զլխարկը զլխին, կարմիր շապկով ու նրա անբաժանելի ընկերով, զգզգած կրճքով, ուռած փորով, չիբուխը ձեռին՝ մօտենում էր տմբոմբալով պատշգամբին ու կանչում քնից թանձրացած ձայնով իր կառավարիչ Դաթօին.

— Դաթօ՛, միսը բերել ես բազարից թէ չէ (այն գիւզում շուկայ էլ կ'ար)։

— Հրամա՛ր էք, ցաւդ տանեմ։

— Ի՞նչ կտոր է։

— Չալաղաջ։

— Իսկ խորլածացո՞ւն։

— Սուկի եմ գտել, ցաւդ տանեմ։

Հազազելու մարդ է սա, — կը մտածէր ինքն իրան ձորտերի տէր Լուարսաբը։ Յետոյ կասէր Դաթօին. ապրի՛ս իմ Դաթօ, ապրի՛ս. թէ մարդ մոռանայ, Աստուած չի մոռանալ պարոնի արած լաւութիւնը. ապրի՛ս. դու իմ աջ ձեռքն ես, պի՛նդ ձեռքս։

Դաթօն գլուխը քորում էր ու անշնորհք կերպով ժպտում այդ գովասանքները լսելով:

—Պարտեզպանը կանանչի բերե՞լ է, հարցնում էր դարձեալ պարոնը:

—Ռերեց:

—Տարխուն խօ կայ մէջը:

—Կայ:

—Վարո՛ւնգ:

—Վարունգ էլ կայ:

Լուսարսաբն ուրախացաւ. եթէ այնտեղ մի թախտ լինէր, գոնէ նա մի անգամ կը գլորէր նորա վրայ:

—Ուրեթն տունս լիքն է եղել,—ասաց պարոնը մի առանձին հաճութեամբ:

—Ե՛րբ է պակասութիւն եղել, ցաւդ տանեմ, տանգ մէջ որ հիմայ լինի...

—Ալդպէ՛ս, սիրելի Դաթօ՛, պարոնի օջախի պատին ու անունը պէտք է անձնանէր ճորտը աշխարհի առաջ բարձրացնէ, ապրի՛ս: Դատարկ էլ որ լինի՝ դու պէտք է ասես թէ լիքն է: Դու փորձած մարդ ես, ամեն բան գիտես:

—Այս հասակի մարդ քո ձեռքումդ եմ դարձել, ցաւդ տանեմ, մի՞թէ կարելի է որ չիմանամ:

—Հիմայ մէկ այս էլ հարցնե՛նք,—մտածեց մի քիչ յետոյ հոգատար Լուսարսաբը.—սայլերը ճանապարհ ես դրե՞լ:

—Ճանապարհ դրի, ցաւդ տանեմ, հիմայ արգէն բաւական տեղ գնացած կը լինեն:

—Ի՞նչ տեղ ուղարկեցիր:

—Արտը, ցաւդ տանեմ:

—Քանի՞ հատ է:

—Ձորսը պարոնի և տասը ճորտերի բաժնի համար:

—Ի՛նչու ճորտերինը տասնըհինգ հատ չէ:

—Տասնըհինգ հատ մենք երբէք լծած չենք, ցաւդ տանեմ, այսօր ինչպէս կարող էինք լծել:

—Տասնըհինգ հատ պէտք է լինէր, տօ՛. ինչո՞ւ չը լծել աւիր: Ես չը գիտեմ, պէ՛տք է սասնըհինգ հատ լինէր: Ի՛նչպէս կարելի

էր: Պէտք է պարոնին ծառայեն. ուրեմն ես էլ պարոն չեմ համարուում... լսեա՞ծ է այդպիսի բան... փի՛ն, տասնըհինգ հատ պէտք է լինէր: Ես նրանց ցոյց կը տամ որ ես պարոն եմ ու նրանք ճորտեր:

Ճիշտ որ երբեք տասից աւելի լծած չէր եղել, էլ ի՞նչն էր ստիպում Լուարսաբին այդպէս առանց այլեւայլութեան չարանալ: Դաթօն էլ ոչ մի կերպ չէր կարողանում բացատրել. նա սկսեց ուշի ուշով զննել իր տիրոջը, թէ արդեօք չէ՞ գժւել նա: Ի՞նչ պտուղ էր մեր Լուարսաբը որ գժւէր է՛... Այդ սուտ խռովելու պատճառները նա արդէն իր գլխումը շարած ունէր: Նա էլ, ինչպէս իր թանկագին իշխանուհին, ունէր իւր որոշ հայեացքները ծառայողներին ու ճորտերին կառավարելու մասին:

— Գիւղացիներին պէտք է այդպէս հուպ տայ պարոնը, ասում էր յաճախ դիւանագետ իշխանը. այդպէս է պէտք, որպէս զի ամեն Աստուծո՛ր նրանք վախ ունենան. թէ չէ նրանց որ խոզի կծողների պէս ոտիդ նստացնես՝ գլխիդ կը բարձրանան քիչ քիչ: Հապա՞. ահա է ծնում սէրը:

Ի հարկէ, սիրելի Լուարսաբ, ի հարկէ:

Բայց ամենեւին չէր հասկանում մեր երջանիկ իշխանը, որ այդպիսի անհիմն ու սուտ բռնկումների մասին բոլորովին ուրիշ կարծիք ու եզրակացութիւն է կազմում գիւղացի մարդը: Ե՛հ, ընթերցող, դու ինչ կ'ուզես ասա, բայց այդ ամուսինները համոզւած էին որ եթէ փորները կուշտ ունէին՝ դրանով պարտական էին իրանց՝ այդ տեսակ ճորտերին՝ լաւ կառավարելու ընդունակութեան:

Այսպիսի մի տխմարութեան մեր մաքրասիրտ իշխանը ասում էր ծառաներին ահա ուտացնել: Նա համոզւած էր, որ այդ ահ տալը այնքան անհրաժեշտ էր օջախի համար, որքան անհրաժեշտ էր ուտել-խմելը մարդու համար: Այդ պատճառով էլ, երբ նա վերադառնում էր իր սենեակը, ասում էր կնոջը մի ինքնագոհ սրտով:

— Հազի՛ւ հազ ճանապարհ դրի սալերը (մեր Լուարսաբը սուտ խօսել էլ էր սիրում), հազի՛ւ հազ: Աստուած անիծի ճորտերին. մինչև որ գլխերին չը կանգնես ու չը գոռաս, ոչ մի բանի ձեռք չեն դիպցնի: Այսպէս էլ բան կը լինի: Ես որ չը լինէի՝ արտերս դաշտումը կը փտէին:

—Այդպէս, ցաւդ տանեմ,—քաջայերում էր նրան Դարեջանը—
այդպէս է պէտք: Այն օրից, որ Եւան Ադամին փորձանքի մէջ զցեց,
Աստուածանից պատուէր ունենք որ մեր քրտնքով հաց ուտենք:

—Այդ խօ իշխանների համար չէ ասուած,—վրայ բերեց Լուար-
սարը:

—Այն ժամանակ իշխաններ ո՞վ էր տւել:

—Ինչպէս չէ, կային. մեր ցեղը այն ժամանակներիցն է սկսւում:

—Ի՞նչ ես ասում: Այնպէս ես խօսում, կարծես թէ ուրիշից
տեղեկութիւն չունիս: Այն ժամանակ Ագամից և Եւայից զատ ոչ ոք
չը կար. Ագամը խօ իր գլխի վրայ թաւադութիւն (իշխանութիւն)
չէր անի:

—Ճիշտ է, այդ բոլորովին միտս չ'եկաւ: Ասա խնդրեմ, ա՛՛ կին,
այն ինչ ծառ էր, որից որ պտուղ գողացան նրանք:

—Յաւ բարւոյն և չարի:

—Հիմայ այնպիսի ծառ էլ չը կա՞յ արդեօք:

—Ինչպէ՞ս չէ. ասում են որ Ռուսաց թագաւորի այդում մի
ոսկի սենեակ կայ ու նրա մէջն է այդ ծառը՝ յակինթի տերեւներով:

—Ձմրուխտի տերեւներով կը լինի, ուղղեց Լուարսարը:

—Այո՛, ճիշտ զմրուխտի, զմրուխտն էլ տերեւի պէս կանաչ է.
այո՛՛ զմրուխտի, մրգի տեղ էլ ադամանդներ ու յակինթներ բուսած
վրան:

—Երանի՛ ինձ ուտացնեն. ա՛յ համը նրա մէջը կը լինի, հա՛:

—Ո՞վ կը թողնի որ մօտենաս. աւաղից շատ զօրք կայ նրա
բոլորտիքը ժողոված:

—Հապա սուլթանն ի՛նչպէս է գողանալ տւել:

—Ահա թէ ինչպէս. մի դե և էղել որ արծաթի կերպարանք է
առել, ծածուկ տուն մտել, պոկել է մի մեծ ադամանդ, կուլ տւել
ու նորից դուրս ծլկւել:

—Տարե՞լ է ու տարե՞լ. ի՛նչ սատանայ է եղել:

—Հապա՛, տարել է: Յետոյ թագաւ հին ներս է գնացել տեսել
որ մի մեծ ադամանդ պակասել է. նա իսկոյն իմաց է տւել ուսաց
թագաւորին: Ռուսաց թագաւորն էլ իսկոյն գլխի է ընկել որ դա
սուլթանի բանը պէտք է լինի, պատերազմ է սկսել նրա հետ. և
այդ պատերազմն է որ մինչև հիմայ էլ դեռ չի վերջացել:

— Ուրեմն նա մարսեց էլի՞:

— Ո՛վ գիտէ, դեռ պատերազմը շարունակում է:

— Երանի՛ր՝ ես էի գողացել:

— Խօ կը խեղտէի՞նք քեզ:

— Ես որ չէի՛ իմաց տայ. ես կուլ կը տայի, խօ չէին կարող փորս ճղել:

— Կը ճղէին էլ ու ամեն բան էլ կ'անէին:

— Որտե՞ղից պէտք է իմանային թէ ինձ մօտ է:

— Կարծես թէ չէին կարող մի զբաղ գտնել ու հարցնել նրան:

— Ճի՛շտ, այդ միտս չ'եկաւ: Կա՛ց, ի՞նչ եմ ասում. Ադամի կե-
րածն ի՞նչ եղաւ, մարդ ասի:

— Ասում են որ մի կզգու թագաւոր գտել է ու պահել իւր
մօտ:

— Հասկա մի նայի՛ր Աստծու՝ դատաստանին. աւելի լաւ չէ՞ր
լինի որ ես գտնէի:

— Յետոյ ո՛վ կը թողնէր քեզ մօտ: Նրկու հարիւր տարի է որ
ցամաքի թագաւորը կոխւ է մղում կղզեցիների հետ:

— Եւ չը կարողացաւ յետ խլել մինչև հիմայ:

— Ո՛չ:

— Վա՛յ, վա՛յ, վա՛յ, նա էլ մի զօրեղը չէ եղել:

— Ի հարկէ զօրեղ է. էլ ի՞նչ թագաւոր է որ զօրեղ չը լինի:

— Հիմայ բը Երակը թագաւորը ողջ լինէր, անպատճառ յետ
կը խլէր. խիստ մեծ տղամարդ են ասում նրա համար:

— Ի հարկէ նա կը խլէր, բայց ո՞ւր է նա:

— Մեղք չէ՞ որ նա հիմայ հողի տակ փթելիս լինի և քո
տեղը Դաւիթը կենդանի՞:

— Տես է՛ այս փուճ աշխարհի վատամարդութեան. Բամար
թագուհին պէտք է զետնի տակ լինի՞ր և քո հարս Էլիսաբէթը
արեւին նայի՞ր:

— Է՛հ, այդպէս են այս փուճ աշխարհի բաները, — վրայ բերեց
Լուարսաբը և այնպէս հոգոց քաշեց, որ եթէ մոմ լինէր առաջը
գրած՝ կը հանգցնէր:

Առաւօտները, երբ որ մեր Լուարսաբն և նրա կին իշխանուհի
Դարեջանը կը կատարէին իրանց դէպի օջախն ունեցած պարաակա-

նութիւնները (ինչպէս որ տեսանք վերը նկարագրած նմուշից), կընստէին չայի ու կ'ուռչէին փառաւորապէս տաք ջրից, ինչպէս որ ասում է մեր հասարակ ժողովուրդը: Մի փոքր միջոցից յետոյ, երբ նրանք արդէն մի երկու խելացի վիճարանութիւն ունեցած էին լինում (վերևը նկարագրւած տեսակներից), հասնում էր ճաշելու. ժամանակը և նրանք, «հին սովորութեան» համեմատ մի լաւ կշտանում էին: Լուարսաբը յոգնած ու ախորժալի ձայնով արտասանում էր. «փա՛ռք քեզ, տէ՛ր, որ այսպէս կշտացրիր ինձ»: Այդ ասելուց յետոյ խնդն սուփրից, գլորում էր թախտի վրայ ու մի կատարեալ գոհանակութեամբ իւր կենցաղավարութիւնից, խփում էր ձեռքը փորին ու մի առանձին պարծենկոտութեամբ արտասանում. «Թէ որ ես անուսում եմ... ինչպէս են ասո՛ւմ... քաղցացութիւնից գուցէ ստամոքսս հալւում է... դրսիցն էլ նկատում է գուցէ փորիս վրայ... Փորձի համար մի անգամ էլ խփում էր ձեռքը փորին որպէս զի ստուգէ թէ նա ճիշտ լի՞քն է արդեօք. և երբ որ համոզւում էր թէ նա լաւ լցւած է արդէն, ձիւ նման կրճտացնում էր առամները և մեծ բաւականութեամբ դարձեալ ասում. «այո՛, Լուարսաբը անուսում է, դրա համար էլ այսպէս քաղցած է»: Ճաշից յետոյ քնել, յետոյ զարթնել, ապա թէյ խմել, յետոյ ընթրել, վերջն էլի նոյն ցանկալի քունը մտնել—այսպէս քաղցր ու անվրդով էր անցնում այդ երկու անարատ հոգիների կեանքը այս փուճ աշխարհում. փուճ աշխարհ, որը այնպէս ոչինչ տեղեկութիւն չուներ նրանց ո՞վ լինելու մասին, ինչպէս որ նրանք բնաւ ոչինչ չը գիտէին Աստծու ստեղծւած այդ փուճ աշխարհի մասին:

IV

Այս դրութեան մէջ և խելքի իմաստալի վարժութեան մէջ անց էր կենում առաւօտը: Ճաշից յետոյ, երբ արդէն նրանք մի լաւ քնած պրծած էին լինում, երբ երեկոյեան ղեփիււը՝ բաց անելով իւր թիւերը՝ հովանաւորում էր այդու ցանկի երկարութեամբ տարածւող սուերածածկ բակը—իշխանուհի Դարեջանը հրամայում էր փուել այդ հով տեղում մազը թափած մի գորգ ու նստում վրան որպէս մի ինքնահաւան նորահարս՝ գլուխը կապած, յոնքերը հուպ տւած

ու զպլտւած: Լուարսարն էլ՝ իւր անբաժանելի չիրուխը ձեռքին՝ ներքեւ էր իջնում, քոշերը բոբիկ ոտներին, յաճախ միմիայն կարմիր շապկով և աւելի յաճախ էլ կապոյտ, ծիծաղելի կերպով մի կողմը կոտրած, կալմուխի գլխարկով: Իջնում էր ու զթօսնում, յետ ու առաջ գնալով այդ սուերածածկ տեղում:

Երեկոյեան պահը—ինչպէս սր ձեզ յայտնի է—Հիւրին յատկացրած ժամանակ է մեր գիւղերում, նա մանաւանդ Պախեթում: Ինչ ասել կ'ուզի, որ ինչ որ այս անհեւած լուսաւորութիւնը ներս ընկաւ մեր աշխարհը՝ քիչ թէ շատ մեր այդ Հին, գովելի սովորութեանն էլ խանգարեց. այնպէս որ Հիմայ երբեմն միայն կը պատահէս լուսաւորւածներին այդ միջոցին Հիւր գնալիս, մինչդեռ երեկոյեան պահը մեծ պատիւ էր վայելում Հին ժամանակ: Այդ պատճառով էլ երեկոները մեր Դարեջանը այդպէս զուգուում էր և մինչև իսկ—ներեցէք այս խօսքիս համար—յետոյքի բարձն ¹⁾ էլ սարքում: Այն միջոցին, որի մասին ևս գրում եմ սոյն տողերը, գեռ ևս կրինոլին չը կար. և եթէ լինէր էյ՝ ո՞վ կը հասցնէր մինչև այն գիւղը այդ «իւրկերի» Թագուհուն: Ամեն ոք լաւ գիտէ, որ լուսաւորութիւնը ծանր քայլով է մանգալիս, նամանաւանդ մեզանում: Ուրեմն էլ ինչպէս կարող էր հասնել այն գիւղը այդքան շուտ այն անւանի օխաբարտան: ձիշտն ասած, այդ լուսաւորւած կրինոլինը չէր կարող տեղաւորւել գիւղերի շատ նեղ փողոցներում, եթէ հասած էլ լինէր այնտեղ:

—Աստուած կեանք տայ մեր աղջիկ-պարոնին,—ասաց նրան մի անգամ «կաւերը» ուղղելով ու շրթունքը ծամռելով մի լաւ կազմւած քով սիրուն գեղջկուհի—նորահարս:

—Այ Աստուած քեզ պահի, ի՛մա Բաբալէ, ի՛նչպէս ես, խօլա՞ւ ես,—հարցրեց իւր կարգին Դարեջանը, բայց այն եղանակով որ իշխանական պատիւը մաղաչափ անգամ փոքրացած չ'երևայ:

—Էլ ի՛նչպէս պէտք է լինեմ, ցաւդ տանեմ. մեր գոմէջը մտած է եղել ձեր այդին և վերակացուները այս երկու օր է բռնել պահել են այնտեղ: Հիմայ այս եմ պաղատում, ցաւդ տանեմ, որ ներել

¹⁾ Դեռ ևս շատ տարիներ սրանից առաջ վրաստանում սովորութիւն կար գործածել ալժմիան Նորագիւտ համարւած «սոււրնիւրը»:

տաս մեզ այդ պատահմունքը ու դրա փոխարէն կը խնդրեմ Արարիչ Աստուծոց քո արեւշատութիւնը:

— Ի՛նչ, ուզում ես ասել որ դուրս թողնել տամ:

— Այո՛, թէ արեւի կը սիրես. հիմա՛յ մեր աղաչանքն էլ այդ է, աղջիկ պարոն:

— Ի՞նչպէս կ'արելի է, սիրելի Բաբայէ. ճիշտ է մեր մէջ խնամութիւն էլ կայ, բայց չէ որ յետոյ ամբողջ գիւղը իրարու կ'անցնի: Ամենքն էլ կըսկսեն նոյնն անել:

— Մի՛ մերժիր, թէ պարոնի արեւշատութիւնը կը սիրես. դրա փոխարէն ես պատրաստ եմ ձեզ ամեն տեսակ ծառայութիւն անել. ահա՛ հիմա՛յ էլ մի կապ մետաքս եմ բերել ձեզ համար ու թէ որ Աստուծով ու ձեր ողորմածութեամբ էլի մի բան կ'արողանանք — ձեր ահա՛ջ-կտրած ճորտերն ենք:

Բաբայէն գրպանիցն հանեց մի կապ մետաքս և շնորհեց իշխանուհուն: Իշխանուհին վերցրեց, իւր տակը դրեց ու ասաց:

— Մի՞թէ առանց այդ էլ իմ կ'արողութեան համեմատ չէի աշխատի քեզ համար: Լուարսա՛բ, Լուարսա՛բ, -- ձայն տուեց նա իւր մարդուն որ մի քիչ այն կողմը յետ ու առաջ էր քայլում ու մի աւաթակի հայեացքով ոնտղում գեղեցիկ նորահարսին:

Լուարսաբն եկաւ:

— Քա՛, վերակացուները բռնել են Բաբայէի գոմէշն և սա խնդրում է քեզ որ արձակել տաս:

Լուարսաբը նայեց նորահարսին, որ սովորութեան համեմատ երեսը շոււռ տուեց մի կողմը: Լուարսաբը կրճտացրեց իւր ատամները բաւականութիւնից ու աշխատում էր ժպտալ:

— Գոմէ՛շը...

— Հա՛, գոմէշը, — վրայ բերեց Ղարեջանը. ա՛յ մի կապ մետաքս էլ է բերել քեզ շնորհելու:

— Ուրեմն լա՛ւ... Դաթօ՛, այ աղայ — Դաթօ՛, — գուռաց նա՛ գնա՛ վերակացուներին ասա որ իմ սանամօր գոմէշն արձակեն թէ չէ կերթամ քար ու քանդ կանեմ բոլորը:

Ասաց, մի անգամ դարձեալ կրճտացրեց ատամները ու գնաց հպարտ հպարտ՝ որպէս մի յաղթանակը տարած մարդ՝ դարձեալ յետ ու առաջ քայլելու:

—Ա՛յ Աստուած դրանից էլ աւելի մեծութիւն ու պատիւ տայ ձեզ, բախտաւորացնէ և մի լաւ արու դաւակ շնորհէ ձեզ, որպէս զի ծիծս ուտացնեմ նրան, ձեր ցաւը տանեմ ես, ձեր ցա՛ւը, իմ պարոն ու իմ ազջիկ-պարոն:

—Տեսա՛ր,—ասաց իշխանուհին, երբ որ Լուարսաբն այն կողմը գնաց.—տեսա՛ր ինչ սպառնալիք ուղարկեց. ասում է զոլո՛րը քար ու քանդ կ'անեմ:

—Իշխանութիւն ունի, ցաւդ տանեմ ու նրա համար:

—Այդ խօս այդպէս է, բայց մե՛ծ անուն էլ ունի հանած գիւղում: Վեր ա՛ռ, օրինակ, իմ տեգր Դաւթին. նրան ոչ ոք մարդատեղ չի գնում:

—Ե՛հ, ցաւդ տանեմ, մի՛թէ նրանց ոտը կարող է ձգւել մինչև ձեզ, Ելիսաբէղն էլ Թաւաղի որդու կի՞ն է և դո՛ւք էլ:

—Հապա հիմայ նրան հարցրո՞ւ. նրա չափ մեծ մարդ այստեղ ամենեւին չը կայ:

—Նրանց գլխի արե՛ւը: Երէկ մեր հարեանի մօտն էի, նրանց աղախինն էլ այնտեղ էր եկել: Ինչոր նա նրանց մասին խօսեց՝ ամենեւին մի աղամոռոց լսւած չէ:

—Ի՞նչ էր ասում, հոգուդ մեռնեմ, ի՞նչ,—հարցրեց շտապով ու անհամբեր Դարեջանը:

—Էլ ինչպէ՞ս թէ ինչ. այն որ՝ խեղճ աղջիկը իւր մատների աշխատանքով հաւաքած փողով մի չթի գլուխ կապելու էր առել և նա տեսել, խլել է նրանից: Հիմայ նա ունի կապած գլխին: Աղախնի մեղքից չենք կարողանում դուրս գալ, իմ աղջիկ-պարոնի արեւը վկայ, այնպէս կոտրած սրտով պատմում էր այդ Թշառաւականը: Ես, որ ձեր ոտի հոդն էլ չեմ կարող լինել, լայեղ չէի անի՝ հօ՛րս հողին վկայ:

—Ո՛ւյ, ո՛յ, տես ի՞նչ անիծւածն է եղել: Էլ ինչպէս է դրանից յետոյ նա իրան Թաւաղի որդի անւանում: Ելելը դեռ ոչինչ, այդ—ինչ ասել կ'ուզի—աղջիկ-պարոնի կամքիցն է կախւած. աղախինն էլ իմն է ու չթի կապելուն էլ: Բայց աղախնու չթի փաթաթանը գլխին դնելն է խաղք-խայտառակութիւնը: Հիմայ նա՛ էլ իրան մարդատեղ է դնում էլի՛, ա՛յ հողեմ՝ նրա գլուխը: Նա՛ էլ մեր մէջն է խառնւում ու իրան Թաւաղի-որդու կին համարո՞ւմ: Էլ ուրիշ բան չի՞ ասել աղախինը:

—Ո՛ր, էլ ուինչ չի ասել:

—Մի՛ ծածկիր ինձանից, Բարալէ ջան, Խօ գիտես որ ես քո լաւութիւն ուզողն եմ. թէ էլի բան է ասել՝ ասա՛ ինձ:

—Ուինչ չէ ասել, հօրս գերեզմանն վկայ. թէ չէ որ ասէր՝ ինչո՞ւ կը թազցնէի:

—Ո՛ր գիտէ, կարելի է դու վախենալիս լինես:

—Քեզպէս ողորմածի մէկը որ ինձ քաղցր աչքով նայելիս լինի՝ էլ ի՞նչ վախի խնդիր կարող է լինել:

—Ես էլ հէնց այդ էի ուզում ասել, սիրելի Բարալէ:

—Ճշմարիտ է մենք աղքատ մարդիկ ենք, բայց այդքանն հասկանում ենք: Ո՛ւրից պէտք է վախենա՛մ, քանի որ ձեզ այստեղ ունեմ:

—Ուրեմն էլ ուրիշ ոչինչ չի ասե՛լ:

—Ինձ չը թաղես, որ ամենեւին ոչինչ չի ասել:

—Ասած կը լինի:

—Այն միակ, մինուճար որդիս մեռնի թէ բան ասած լինի:

—Ճիշտ, երեխադ ինչպէ՞ս է, — հարցրեց մի քիչ յետոյ Դարե-ջանը, տեսնելով որ այլ ևս ոչինչ չէ դուրս դալիս:

—Էլ մի՛ հարցնի, ցաւդ տանեմ, աղջիկ-սարոն. թշնամիդ էլ թող այնպէս չը հիւանդանայ ինչպէս երեխաս է: Էլ ի՞նչ մնաց որ չ'արի, խոտի մէջ չը լողացրի՞, աղօթել չը աւի՞, ձեռքին փող չը կապեցի՞¹⁾, բայց ոչինչ չ'օգնեց. Աստուած թող թշնամուդ այդպէս անօգնական պահի: Ինձ սովորացրին որ ձեզ դիմեմ. ասում են որ խիստ զօրաւոր աղօթք գիտէք դուք, ի սէրն Աստծու խաթեր՝ օգնեցէք ինձ ու Աստուածանից ստացէ՛ք փութարէնը:

—Ես միայն գլխացաւի ու թունաւորւածի աղօթել գիտեմ. մի՞թէ երեխայիդ հիւանդութիւնը գլխացաւ է:

—Այո՛, արեգ սիրեմ, գլխացաւ է. քիչ է մնացել որ գլուխը առաքացնի:

—Աղջի՛, Լամազիսէուլ, ճղաւեց իշխանուհին. գնա՛ գրի-թանաքաման, թուղթ ու թաղիքի տակը որ գրւած նամակ կայ՝ բեր

¹⁾ Յօգուտ սրբերի:

այստեղ: Աղօթքն ես կը գրեմ, սիրելի Բարալէ, գրած թուղթը պէտք է կ'պցնես այն կողմը, որտեղ որ ցաւ է զգում: այդպէս թող մնայ երկու երեք օր, թէ որ գլխացաւ է՝ իսկոյն կ'անհետանայ:

— Տեսնում էք, ընթերցող. իշխանուհի Դարեջանին ես անուսում էի համարում ու նա այգպէս բաներ է իմացել: Հիմալ միտս եկաւ որ դրա էլիսաբէթ հարսը, որի մասին արդէն երկու տեղ չի չեցինք, ծածուկ լուրեր էր տարածում թէ Դարեջանը ջադու անել է իմանում ու թէ այդ պատճառով էլ Աստուած նրանից խուզել է ու որդի չէ տալիս: Ինչպէս հաւատանք այդպիսի զրպարտութեան: Սակայն էլիսաբէթը երդումատուաք էր լինում թէ այգպէս է: Բայց էլի չեմ հաւատայ. հարսը — ինչպէս որ յայտնի կը լինի ձեզ մեր օրհնած բարքերից — հարսի թշնամի է: Մի՞թէ միայն այդ բամբասանքն է արել էլիսաբէթը Դարեջանի մասին:

Այդ միջոցին շունը, որ պառկած էր մի քիչ այն կողմ ու խրեւ էր քիթը հողի մէջ, հաչեց. բայց հէնց որ աչքը բացեց ու տեսաւ եկող երկու կանանց՝ նորից ձայնը կտրեց ու փնթփնթալով կոխեց էլի իւր քիթը ոտներով փորած հողի մէջ: Դարեջանն էլ գլուխը բարձրացրեց այդ ձայնի վրայ ու տեսաւ իշխանուհի էլիսաբէթին և նրա սրտապակաս, գլխի փաթաթանից զրկած աղախնին:

Դարեջանը ոտքի կանգնեց:

— Համեցէ՛ք, սիրելի հարս, — դարձաւ նա դէպի էլիսաբէթը, — հաղիւ մեզ միող ես բերել:

— Դու չը մեռնես, ժամանակ չէի ունենում: Հա՛յ այս, հա՛յ այն, տուն է, տեղ է՝ խօ գիտե՞ս հրամանքդ:

— Այս կողմն համեցէ՛ք, այս կողմն աւելի հով է, — պատուսիրեց Դարեջանը:

— Միւսնոյն է, — ասաց էլիսաբէթն ու դուրս պոկելով ոտից կռօյի յուստիքը, նստեց գորգի վրայ, Դարեջանի կողքին:

— Ուրիշ ինչպէ՞ս էք, սիրելի հարս. լա՛ւ է արդեօք իմ տէգը՝ Իւախիթը, — սկսեց դարձեալ Դարեջանը:

— Լաւ ենք, — պատասխանեց էլիսաբէթը:

— Տէգրս տա՛նն է:

— Մի՞թէ այդպիսի մի ժամանակ կալածքի ու վարուցանքի տէր տղամարդը տանը կը նստի. արդէն երկու օր է այնտեղ է, — ասաց

Էլիսաբէթը մի առանձին նշանակութեամբ ու ակամայ աչք զցնց Լուարսաբի վրայ, որ զբօսնում էր յետ ու առաջ գնալով և որի տուներին էր կախ վարուցանքն էլ ու կալածն էլ:

Գարեջանը վիրաւորեց: Նա ենթադրեց որ Էլիսաբէթը դիտմամբ մորակը Լուարսաբի կողմն ուղղեց:

—Ի հարկէ, ով որ մի մարդ չունի, որին որ կարողանայ տան կառավարութիւնը յանձնել և ով որ այնպէս է մեծացել փոքրութիւնից որին ոչ արեւը կարող է այրել և ոչ ցուրտը մրսացնել—նա տանը չի մնայ. իմ Լուարսաբը այդպէս չի կարող անել:

—Մի՞թէ ես նրան ունէի աչքի առաջ,—սկսեց Էլիսաբէթը:

—Ես էլ այդ պատճառով չեմ խօսում—վրայ բերեց Գարեջանը. ես միայն այն էի ուզում ասել թէ դեռ ևս իմ Լուարսաբը այնպիսի մի նեղութիւն չէ տեսել որ գիւղացութիւն անի:

—Գիւղացութիւն անե՞լ... ինչ էք հրամայում, ի՞մ հարս: Զէ, ձեր արեւը գիտենայ: Մի՞թէ ով որ բերք ժողովելու ժամանակ տանը չէ նստում՝ կարիքի մէջն է կամ գիւղացութիւն է անում ու վարձկան մշակի նման հնձելիս, ճորտերի հետ քրտինքաքամ լինում: Զէ, դուք չը մեռնէք: Վեր առէք, օրինակ, ձեր տէգրին. մի՞թէ նա աղքատ գիւղացի է կամ աղքատ երեւում երբ որ արտումն է լինում. ամենեւին, ձեր արեւը, Մշակներն այնտեղ հնձում են, իսկ նա ինչպէս որ վայել է թաւաղի որդու պատուականութեան՝ մի սիրուն բազէ ունի նստացրած ձեռքին ու որսորդութիւն է անում: Երէկ երեկոյ էլ, երբ որ ծառան տուն եկաւ, հետը մի խուրջին կաքաւ էր ուղարկել: Ի՞նչ ստորանալու բան կայ այդտեղ, թէ ձեր Աստուածը կը սիրէք: Թագաւորներ են որս անում, մի՞թէ նրա համար ստորութիւն է:

—Զէ, ձեր արեւը, սիրելի հարս, ես տէգրիս վրայ չէի ականարկում: Մի՞թէ նա էլ Լուարսաբի եղբայրը չէ—մի արիւնից ու մի մտից: Մի՞թէ չը գիտեմ որ նա իւր ձեռքերը չի յառաւացնի մանգաղ բռնելով և ոչ էլ այս անտանելի շոքերին կ'այլուի: Մի՞թէ չը գիտեմ որ իսկական թաւաղի արիւն ունեցող որդին լայեղ չի անի այդպիսի բան. և յիրաւի, ի՞նչ լայեղ անելու բան էլ է. թաւաղի վրայ պէտք է թաւաղութիւն երեւայ, շինականի վրայ՝ շինականութիւն:

—Ճշմարիտ խօսք է, ձեր արևը:

—Ախր չի կարելի, է՛. լեռն ու հովիտը ո՛վ է հաւասարացրել:

—Ո՛ր ք, ձեր արևը, ո՛վ կարող է Աստուծու հրամանի դէմ գնալ:

Այդ միջոցին Դարեջանը ոտի ձայն լսեց. յետ նայեց և տեսաւ իւր փոքրիկ աղախին Լամազիսսէուլին, ձեռքին բռնած մի ինչոր գրած թուղթ և գլուխը կոտրած դեղի սրւակ, որ թանաքամանի դեր էր կատարում:

—Ի՞նչ եղար մինչև հիմայ, ո՛վ դիտէ արդէն գնացած է,— բարկացաւ Դարեջանը:

—Դեռ չի գնացել, այստեղ է խրճթումը՝ Թափուայի հետ,— պատասխանեց աղախինը:

—Դէ լաւ,—ասաց Դարեջանն և գրեց թուղթը ծնկան վրայ, սկսելով գրել գլխացաւի աղօթքը: Այդ միջոցին Լուարսաբն էլ՝ շալւարն ու ախալուխը հագած՝ եկաւ քաղաքավարի կերպով հարց ու բարով արեց իւր հարսի հետ ու գլուխը հէնց գորգի մօտ եղած կանաչ խոտում: Յետոյ չիբուխի կոթը դէմ տւեց իւր պատուական փորին ու սկսեց դիտել՝ մէջքի վրայ պառկած՝ երկնքի հաստատու թիւնը:

Մի լաւ պատկեր էր ներկայացնում աչի խումբը: Կը նկարագրեմ, եթէ ոչոք պատի: Առաջ աղախնից սկսեմ:

Մի ծիծաղելի արարած էր այդ Լամազիսսէուլը. մի անշնորհք կերպով պարարտացած, կարճահասակ ու կեղոտ: Հագած ունէր մի կոպիտ չթի դէրիայ, որի գոյնը՝ նրա կեղոտութեան պատճառով՝ անկարելի էր իմանալ: Փէշերը տեղ տեղ դուրս էր այրւած՝ չափազանց շատ կրակի մօտ կանգնելուց, իսկ ափերը՝ փրած ու զջլուած. պատռած տեղերից երևում էր դէրիայի տակը շրջանաձև չախ արած մի ինչ որ փտած վերմակի կտոր—իբր թէ իւրկայ: Ա՛յ, հողը գլխի՛դ, դո՛ւ էլ ես իւրկայ ուզում: Գլխին ունէր իւր տիրուհու փոխած ու տեղ տեղ դուրս պոկւած չթի փաթաթան: Այդ ծակերից դուրս էին ցցւում գունդ-գունդ՝ մութաքի բրդի նման գզգզած սև—ներեցէք ասել—անիծոտ ու չը սանգրւած մազերը: Ուրի կռնկները ճեղքոտած, ոտները ածուխի պէս սև, ձեռքերը թարմ ընկուզի կճեպից ներկւած, քիթն ու երեսը պղնձների մոով աղտոտւած,—ահա՛ այսպէս էր այն արարածը, որին Դարեջանը

«Ամաղխսէութիւն (գեղեցկութիւն) էր անւանում և որը ձեռքերը խաւած նայում էր մազը թափւած գորգին: Գորգի վրայ բազմած էին երկու պատւական ու հետաքրքիր իշխանութիւն, երկուս՝ բայց տարբեր տարբեր տեսակից. մինը պարարտ ու կարմիր, միւսը՝ նիհար ու դեղին: Պարարտը գլուխը կախ գրում է, նիհարը հետախոյզ աչքով հետևում է գորգի ձեռքին, որպէսզի մի կերպով կարողանայ գլխի ընկնել թէ նա ինչ է գրում: Նրբեմն նա աղախնին աչքով է անում ու գլուխը շարժում, ուղեկցելով հասկացնել նրան թէ մի փոքր աւաջ որ տիրութիւն ասում էր թէ գնաց՝ ում համար էր ասում: Աղախնին էլ այնտեղից նրան նշաններով գլխի է գցում, բայց նա ոչինչ չէ հասկանում: Այն ժամանակ փոքրիկ աղջիկը ծածկում է բերանը ձեռքով ու գլուխը մի կողմ շուռ տալիս իբրև թէ իւր խելքում ծիծաղելով որ էլիսաբէթը ճիգ է թափում գլխի ընկնել ու չէ յաջողում և իբրև թէ մի կողմից էլ ամաչում է որ չի կարողանում ծիծաղը պահել իւր տիրութիւն հարսի ներկայութեամբ: Մի կողմը խոտի վրայ ակորժանքով ու ծանր շունչ էր քաշում Լուսարսարը՝ մէջքի վրայ պառկած. ծուխ է բարձրացնում՝ իւր չիբուխից և՛ մինչև որ աչքերում արտասունք չ'երևայ՝ հետևում է համբերատարութեամբ ծխի վեր ելնելուն, որպէսզի տեսնէ թէ կարո՞ղ է արդեօք նա հասնել մինչև ամպերը: Այն կողմը, գորգի ծայրին և ցանկի տակ պառկած է մեր ծանօթ պառաւ շունը՝ կրկին իւր քիթը փորւած հողի մէջ կոխած ու մի ինչ որ ուժից ընկած մարդու պէս աչքերը կուչ բերած: Ամեն մի աղմուկի վրայ ծանր կերպով բաց է անում նա իւր աչքերը ու մի գժգոհ մարդու նման հէտում՝ իբր թէ ուղեկցելով բարկանալ, որ այդպէս շուռ շուռ նրա քունը կոտրում են: Մի քիչ հետո սարքւած է մի կեղտոտ սամովար որի կողքին նստած փոքրիկ աղախնից էլ աղտոտ ու գլխւած փոքրիկ ծառան փչում է, հա՛ փչում նրա մէջ՝ որքան որ ոյժ ունի: Մերթնդմերթ ծածուկ նայում է նա այն կողմը որտեղ որ պառկած է այնքան երջանիկ և հանգիստ կերպով տան շունը, նայում է և կարծես երանի՝ տալիս նրա կենցաղավարութեան ու ասում իւր սրտում՝ երանի՛ քեզ որ շուն ես, երանի՛ ես էլ շուն եղած լինէ՛ի: Անպիտան երկրի այդ գարշելի պատկերը ծիծաղելի կերպով ներդաշնակում էր հարաւի հոյակապ երկնքին, նրա խոր ու բաց —

կապոյտ կամարին, որի վրայ պորտապորտ հիսուս էր մի միալար գծով սարերի մուգ-կապոյտ շղթան:

Մի քիչ ժամանակ անցկացաւ: Դարեջանն աւարտեց տղօթք գրելը և տւեց թուղթը աղախնին հետեւեալ խրատով՝ ասա՛ թող այնպէս վարւի, ինչպէս ես իրան ասել եմ:

Ապա շուռ եկաւ դէպի Էլիսաբէթն ու սկսեց խօսակցել: Լուարսարը դեռ էլի մտածում էր ու ծխեցնում չիբուխը:

— Հացի բերքն ինչպէ՞ս է, — հարցրեց Դարեջանը:

— Ձեր արււել, անցեալ տարւանից քիչ: Ձեր տէգրը երեսուն սայլի յոյս ունի, — պարծեցաւ Նղիսաբէթը:

— Այդ, բարեկամ, լաւ հունձ է: Երեսուն սայլը հանաք չէ, մենք էլ կունենանք այդքան, բայց մեր հնձելու տեղերը երկու ձերինի չափ են, — փչեց իւր կարգին Դարեջանը:

— Ի՞նչ էք հրամայում, իմ հարս, մեզանից աւել ինչո՞ւ պէտք է ունենայիք: Այս տարի մենք մեծ տեղեր ունէինք հնձելու:

— Ինչո՞ւ, թէ Աստուածդ կը սիրես: Մենք արդէն օգոստոսի կէսին արտերը վառած ունէինք, մինչդեռ դուք սեպտեմբերին էլ չէիք վառել:

— Ձէ, ձեր առււել, մենք ձեզանից վաղ ենք սկսել: Մենք մեծ վար ու ցանք ունեցանք:

— Ահա՛, սիրելիս, ուզում էք Լուսասաբին հարցնենք: Դա տղամարդ է, աւելի լաւ կ'իմանայ: Լուարսա՛բ, ձայն տւեց նա մարդուն:

— Հո՞ր, — հարցրեց Լուարսաբը և շուռ տւեց վիզը դէպի իւր կինը:

— Հարսդ ասում է թէ մենք նրանցից պակաս վար ենք ունեցել այս տարի:

— Է՛հ, ի՞նչ ես ասում, իմ հարս. այս տարի մենք չորս ձեր չափ վար ենք ունեցել (այսպիսի բաներում սարսափելի փշող էր Լուարսաբը) ի՞նչ ես ասում... իմ բերքի չափ բերք ամբողջ Կախեթում ոչ ոք չէր ստանում, մինչև անգամ Վրաստանում էլ շատ քչերը կ'ունենան: Կը տեսնես թէ ո՛րքան դէզ կը շարեմ կալի վրայ. այնքան շարեմ, այնքան շարեմ որ... որ... հապա ի՛նչ ասեմ, կ'ուզես տասներկու այս տան չափ — կարծես թէ չէ՞՞ կարող Լուարսաբը: Փի՛հ. վառը՝ իմ վառս էր որ էր: Այս էլ դարձաւ անցեալ տարւայ:

գինու հարցը. իմ գինու չափ գինի ամբողջ Կախեթում երկու մարդ չի ունենայ: Քարթլու կողմերը խօ՛ կէսի կէսն էլ չեն ստանայ: Հապա՛: Թէ որ ասածս ճիշտ չը լինի՝ հապա ո՞րտեղից եմ այսքան լաւ ապրում: Ո՞րտեղից.—մի՞թէ ես էլ Լեւանի պէս սալլերս վարձով եմ տալիս: Ես կարո՞ղ եմ իմ թաւաղական արիւնս անպատել: Հայ խօ չե՞մ ես. չէ՞ որ ես լաւ օջախի և աղցի զաւակ եմ...

Դեռ էլի ուզում էր ինչ որ ասել, բայց Ելիսաբէթն ընդհատեց նրան:

—Իրաւ, իմ տեգր, ճիշդ է որ Լեւոնը վարձով է տալիս իւր սալլերը:

—Ճիշդ է, հապա՛, ամօ՛թ նրան որ ազգի խախտիչ է դարձել:

—Նիկողոզն էլ է եղել տալիս,—աւելացրեց Վարեջանը:

—Տալիս է—պատասխանեց Լուարսաբը:

—Վա՛յ, խայտառակե՛ն նրանք, լաւ ազգի որդիք են եղել հա՛,—ասաց Ելիսաբէթը:

—Երանի գոնէ թաւաղի որդի եղած չը լինէր,—աւելացրեց ցաւած սրտով Վարեջանը:

—Ցաւն էլ այդ է որ թաւաղի որդի է,—ասաց վշտացած Լուարսաբը. թաւաղի որդի որ չը լինէր.—ջհանդամը նրա գլուխը: Հասարակ գիւղացի լինէր կամ հայ լինէր,—էլի ոչինչ. բայց ինձ սպանողն այն է, որ նա թաւաղի որդի է: Ի՛նչ վատ կերպով փչացւեց ժողովուրդը, ձեր ցաւը տանեմ. այն տեղն էլ հասայ որ իմ աչքով տեսայ թէ թաւաղի որդին վարձով սալլեր է մանածում:

—Յիտոյ ի՛նչ հօրն ու մօր որդի,—գրաչ բերեց Վարեջանը:

—Այդ ասա՛ է՛,—ձայն աւելց Լուարսաբը:

—Ինչո՞ւ պէտք է մարդն այդպէս կորցնի իւր պատիւը,—ասաց իւր կարգին Ելիսաբէթը:

—Սրանից յիտոյ էլ ի՛նչով պէտք է զիւղացին և թաւաղը միմեանցից զանազանեն: Վիւղացին էլ է իւր սալլերն վարձի ուղարկում, թաւաղի որդին էլ. նա էլ վարձով է ապրում, սա էլ ինչո՞վ պէտք է զանազանեն,—հարցրեց Լուարսաբը:

—Ոչնչով, ձեր արևը,—հաւատացրեց հարսը:

—Ի հարկէ որ ոչնչով,—հաստատեց կիինն էլ:

—Սովա՞ծ որ մեռնելիս լինէի, սովա՞ծ եմ ասում, և հարիւր

սայլ ունենայի կապած՝—գլուխս մեռնի թէ ես այդպիսի բան լայեղ անէի: Իսկ դո՞ւ, իմ հարս:

—Վո՛յ, ինձ գետինը դնես թէ լայեղ անէի. իմ ձեռքովս գլուխս կը սպանէի ու լայեղ չէի անի:

—Իսկ դո՞ւ, Դարեջան,—հարցրեց թաւաղը:

—Քէ էլ ես,—պատասխանեց նա:

—Ուրեմն ո՛չ էլ ե՛ս,—ասաց Լուարսաբը անպիտի մի ձայնով՝ որ կարծես թէ այդ երեքի կարծիքով երեք աշխարհի բաղդ էր զճռւում:

—Զէ՛, ժամանակը շատ է փոխւել, իմ հարս—երկարացրեց իւր խօսքը Լուարսաբը: Ժողովուրդը փշացւեցաւ, արիւնը պղտորւեցաւ: Ո՞վ կարող էր մեր ժամանակ մոքովն անցկացնել թէ թաւաղի որդին իւր գլուխը կը խայտառակի՝ սալերը վարձով կը տայ: Զէի՞նք քարկոծի. դիւին դէի չէի՞նք ածի: Բայց այժմ.—Աստուած անիծի՝—գինեվաճառութիւն են անում: Լսած բա՛ն է դա. թաւաղի որդիքը գինեվաճառութիւն են անում... Քհ՛, Աստուած, ինչո՞ւ ջրհեղեղ չի գալիս: Հայ են դարձել, ճի՛շդ հայ են դարձել. հիմայ միայն այն է պակաս որ արշինը դնեն կռան տակին, գիւղէ գիւղ ընկնեն ու զլաւ չի՛թ, լաւ չի՛թ գոռան:

—Ա՛յդ էլ կանեն, ձեր արււը,—ասաց Ելիսաբէթը. երանի քանի որ ես կամ՝ Աստուած ցոյց չը տայ ինձ այդ ժամանակը:

—Կա՛նեն, գլուխս չը մեռնի որ կ'անեն,—վրայ բերեց սրտիցաւով Լուարսաբը. բարեկամ, որ էլ արիւն չը կա՞յ. փշացւեցաւ արիւնը, պղտորւեցաւ:

—ձիշտ որ փշացւեցաւ,—վրայ բերեց Դարեջանը:

—Ահա՛ ձեզ մի օրինակ, գիտե՞ք երէկ Զաքարիայի կինը ի՞նչ է արել: Ծառան նրա խօսքից շուրպ է եկել... Զէ՛ որ Զաքարիայի կինը շատ չար է:

—Այն էլ ի՛նչպէս,—հաստատեց Դարեջանը, սարսափ յայտնելով:

—Ծառան նրան ընդիմադրել է,—սկսեց դարձեալ Ելիսաբէթը—նա ընկել է յետւից, դուրս է պոկել իւր ոտից չը գիտեմ չուստին թէ քոշը—երկի քոշը—ու այնքան տւել է նրանով ծառային, որ մարմինն ուռեցրել է:

—Թէ՛ Աստուածդ կը սիրե՞ս,—հարցրեց զարմանքով Լուարսաբը:

—Ձեր արևը:

—Այս ի՞նչ եմ լսում, ձեր հոգուն մեռնեմ. կարելի է փոքրիկ ծառայի՞ն է ծեծել:

—Այդ է որ՝ չէ: Փոքրիկին որ ծեծի, այդ ոչինչ չի նշանակում. ես էլ եմ ծեծում, — ասաց Ելիսաբէթը:

—Ե՛ս էլ, ձեր արևը, ասաց Դարեջանը: Փոքրիկ ծառայ և փոքրիկ աղախին՝ միևնոյն բանն է: Ինչպէս որ մի տանտիրինը ամենևին չի կարելի պախարակել փոքրիկ աղախնուն ծեծելու համար — նոյնպէս և փոքրիկ ծառայի համար:

—Ի հարկէ, — ասաց Ելիսաբէթը. փոքր ծառաներին ծեծելու համար ո՞ւմը կարելի է յանդիմանել: Բայց նրա ծեծւածը մեծ տղամարդ է եղել. մի՞թէ կարելի է ընդունել որ մի կին այդպիսի հասակաւորի հետ այդպէս վարւի:

—Տէ՛ր ողորմած Աստուած, — ասաց երեսը խաչակնքելով Լուարսաբը: Այս ի՞նչ եմ լսում թէ Աստուած կը սիրէք. կինը պէտք է այնպէս իւր գլխից ձեռք վերցնի որ տղամարդուն ծեծի: Մեծը դեռ ոչինչ. ո՞վ կարող է դրա համար տիրոջը պախարակել. նրա տէրը չե՞մ — կ'ուզեմ կը ծեծեմ, կ'ուզեմ՝ չէ: Բայց մա՛րդը պէտք է մարդուն ծեծի, կնոջ մասին ո՞վ է այդպիսի բան լսած, ո՞վ է ասում: Աղախին էլ ունի, թո՛ղ ինչքան ուզի ծեծի, այդտեղ չը լայնեղ անելու բան չը կայ, բայց տղամարդո՞ւն... Տէր, ողորմեա՛, Տէր, ողորմեա՛:

—Դեռ այդ ոչինչ... ուղում էր սկսել նորից Ելիսաբէթը իւր բամբասանքները, բայց այդ միջոցին չայ մօտ բերին:

—Խօսքներդ չը մոռանաք, իմ հարս, ընդհատեց նրան Դարեջանը, բայց չայ համեցէ՛ք:

—Համեցէ՛ք, միևնոյն է, պատասխանեց Ելիսաբէթն ու ձեռք մեկնեց դէպի գաւաթը:

(Կը շարունակւի)